

常山貞石志

常山貞石志卷十二

誥授朝議大夫直隸正定府知府今調廣平府知府前署大順廣兵備道沈濤謨

宋二

元氏新建縣學記

碑高五尺六寸廣二尺三寸五分二十六行行五十  
字正書篆額皇祐二年二月十五日立今在元氏縣

修歸學記

元氏新建縣學記

江西曾宏撰鄉貢進士楊務民書進士郭拱篆額并刻  
字

人之生性固有異賢者明愚者闇明而不思行或迷其  
適闇者無相則依然罔所不至矣學其相闇之本歟三

王四代莫不急於是，以抵隆治方是時，家猶有門側之堂，況諸大者乎？其於民愛而教之，可謂至矣。漢而下，或缺或微，當夫僭暴相陵，干戈縱橫，則脫庠序如餒者之覩鑑，錕謂爲無益之具，吁可痛也已。我朝以文

致太平

國有學以養士，慶曆初天下晏然，臺閣

多當世豪傑，上訪下議，欲使民盡登道藝之域，於是益

建

太學於

東都復

詔郡縣皆自

立學士，限日隸業，然後應試於有司。時州將邑長人人以教育爲己職，與創未備會。朝廷慮士或迫於

耕養，則不能奉

詔，遂罷限日之式。當治者不原

其意，以謂前制變弛，一切不復問，故有未堂而止半功

而輟已成而廢者噫士大夫果有意於民其當以號令  
緩急事教化哉元氏肆真定介倚山險民庶而事叢河  
朔邑亡七八與比者慶曆五年春樞密副使河北宣撫  
使富公薦田侯爲□令二年遷著作佐郎例當趨闕今  
中丞郭公時作鎮牧惜其去請之 詔許復任處

邑凡五年

侯舉進士得第識敏而才博明民做

精法意胥徒之貪黠者斂巧懾氣而奉指顧民有以訟  
至必委曲盡其辨辭窮然後寘諸罰故在重辟亦自悔  
咎而無怨久之威惠浹洽境內大治因問顧謂僚友曰  
愚不才逃責於斯已數歲幸而歸訟簡息者鄙心勤察  
而粗謹法令耳夫務齊於速者必以政欲治之遠者莫

如教邑有

孔子祠雖像貌僅存而隘且漏不廣

以葺則教將安興我將興之而為之學焉會

詔

諸佛廟有不由

王命而置者皆毀之邑所廢得

材甚夥因以足用又

侯嘗蒞事它郡前邑佻核

民籍益鄉阜過越舊貫衆所不欲

侯還悉舍之

及是聞

侯將營學皆請効力為謝物不調紋功

不董飭半月而告成堂室門櫺畢具而器亦備焉

至聖南面衮冕與王者等自顏而下列四科者十人

以公服侍其側

侯帥邑之官與士齋戒冠衣行

釋菜禮登降蒞蕭拜俯庭下如見

君對父居民

觀之乃知

吾夫子之道尊往往詔孫若子弟舍

利執卷入學從師授長者誨幼者聽日漸月漬寢以彬  
郁議者謂非獨孝睦廉讓之風行抑將有偉材巨器出  
其間己丑七月

侯迹厥事於書遣介持走中山  
告旅人曾宏曰請子為我文以志歲月於石宏覽書而  
歎曰失火之家先汲缶而後營陂池非好小而惡大理  
勢然也

田侯爲邑始以政法治敝終以禮義申  
化真得先後之宜矣夫士之得仕不患在小患喪卒以  
口俗宏每觀今世有假道方冊拖紳

朝廷出則  
據千里之廣不能興一善鑿民耳目而反惑禍福之說  
左右老佛以培削于下心嘗壹鬱惜惋恨未果折其妄  
今聞  
侯能於數十里地順承

天子令取

晉夫曠婦媚佛之材以崇學而張明

聖師之道

使邑人有所瞻聞而變為善樂無算既辱命故遂以書而不取讓時皇祐二年二月十五日記

文林郎守縣尉韓口 文林郎守主簿李順之 三班

奉職監酒稅顏庶幾 左班殿直天威軍兵馬監押權

巡檢鄭化成 水奉郎守秘書省著作佐郎知真定府

元氏縣田照鄰建

右記曾宏撰楊務民書郭拱篆額并刻字郭拱見慶

○八年淮陰侯碑陰宏務民無攷記爲元氏縣令田

照鄰新建縣學而作照鄰見正定府名宦傳記云慶

○初天下晏然於是益建太學於東都後詔郡縣皆

自立學士限日肄業云云案續資治通鑑長編仁宗

慶厯四年四月壬子

玉海作二  
十一日

判國子監王拱辰田

况王洙余靖等言首善當日京師漢太學二百四十

房千八百餘室生徒三萬人唐京師亦一千二百間

今取才養士之法盛矣而國子監才二百楹制度狹

小不足以容學者請以錫慶院爲太學五年正月己

巳三司言更造錫慶院乏財費多而敵使錫晏之所

不可闕詔復以太學爲錫慶院二月乙巳以馬軍都

虞候公廨爲太學攷宋自慶厯以前惟藩鎮州都始

許立學其詔置縣學則在慶厯四年續通鑑長編慶

厯四年三月范仲淹等意欲復古勸學數言興學校



本行實詔近臣議於是翰林學士宋祁等合奏乙亥  
詔州若縣皆立學本道使者選部官爲教授三年而  
代又記云慶曆五年春樞密副使河北宣撫使富公  
薦田侯爲□令二年遷著作佐郎例當趨闕今中丞  
郭公時作鎮牧惜其去請之詔許復任處邑凡五年  
云云富公當是富弼弼以慶曆四年八月甲午出樞  
密副使爲河北宣撫使以五年正月乙酉爲京東西  
路安撫使知鄆州據長編稱是日弼自河北還將及  
國門卽被是命記稱富公之薦照鄰在五年春當是  
正月所云前鎮牧今中丞郭公者以宋史攷之蓋是  
郭勸本傳云勸字仲褒鄆州須城人累官翰林侍讀

學士知滑州徙滄州又徙成德軍盜起甘陵卽指貝  
州宣毅卒王則據城反事以長編攷之王則以慶曆  
七年十一月反而皇祐元年七月有御史中丞郭勸  
請治句當引見司楊景宗罪事碑立於皇祐二年二  
月是時郭勸正爲御史中丞然則記所稱中丞郭公  
爲勸無疑矣顏庶幾見續通鑑長編仁宗慶曆四年  
二月錄達州巡檢左班殿直顏吉子庶幾爲三班奉  
職以吉與蠻賊戰死也碑肄業作隸業元氏隸眞定  
之隸作肄當是書碑人筆誤

韓魏公過淮陰侯廟詩

碑高六尺五寸五分廣二尺七寸七分行十三字額  
題過淮陰侯廟詩三行并正書無年月今在獲鹿甕

城

過井陘淮陰侯廟

武康軍節度使河東路經略安撫使兵馬都部署知

并州韓琦題

破趙降燕漢業成  
兎亡良犬日圖烹  
家僮上變安知實  
史筆加誣貴有名  
功蓋六時誠不滅  
恨埋千古欲誰明  
荒祠尚枕陘開道  
澗水空傳唵咽聲

河北同提刑西京左藏庫副使曹湮書

右七律一首韓琦題曹湮書無立石年月案元祐五年鄭晴撰重脩漢淮陰侯廟碑有云頃年魏國韓公有詩提刑曹湮刻石據此知此石之刻尚在鄭晴撰

記以前攷宋史琦本傳及宋御製兩朝額命定策元  
勲碑皆謂琦由定州安撫使知定州觀文殿大學士  
拜武康軍節度河東經略安撫使知并州未陳薦韓  
公墓志銘稱皇祐五年授武康軍節度使充河東路  
經略安撫使兵馬都總管兼知并州又安陽集有并  
州新脩廟學記皇祐五年春某忝被州寄受署來謁  
云云又并州謝上表有伏承制勅授臣武康軍節度  
使知并州河東路經略安撫使已於三月十七日到  
任上訖據此知魏公此詩是皇祐五年春自定州赴  
任并州道經獲鹿時所作詩載安陽集中六時集作  
一時當從碑爲正歐陽志輿地廣記河東路大都督

府太原府周初劉崇據其地太平興國四年克復降  
爲并州嘉祐四年升爲太原府河東節度皇祐時尚  
未升爲府也宋史職官志經略安撫使以直秘閣以  
上充掌一路兵民之事攷宋初節度使領馬步軍都  
部署其後守臣帶一路安撫使者皆帶馬步軍都部  
署文獻通攷慶曆八年諸州部署並改總管副總管  
注引職略總管舊曰部署英廟諱攷焉案魏公之拜  
河東路經略安撫使在仁宗皇祐五年此石列銜猶  
作兵馬都部署而安陽集辭免武康軍節度使表已  
作并代等路兵馬都總管當是英宗時避諱改總管  
後所易據此可信此詩勒石定在熙寧以前且可以

證馬氏通攷謂慶曆八年改諸州部署爲總管副總管之誤曹湮宋史無攷其列銜爲河北同提刑西京左藏庫副使職官志提點刑獄公事舊制參用武臣熙寧初神宗以武臣不足以察所部人材罷之文獻通攷眞宗時重置諸路提點刑獄公事以朝臣充始命屯田李拱爲之副以武臣閤門祇候以上充又太府寺所隸官司二十有五有西京左藏庫又宋朝武選自皇城至供備庫使爲諸司正使副爲諸司副使却掃編云國朝應差遣多列銜在官上內則如樞密使副使三司使外則如轉運使副使提點刑獄皆然官制攷悉在下今此碑在元豐以前而曹湮列銜已

在官下是徐吏部之言亦未足據矣

佛頂尊勝陀羅尼經殘幢

幢上下俱殘止存第一第二第八面第三第七面各存兩行高八寸五分第一面廣七寸八分第二第八面廣四寸五分第一面十行第二面六行第八面五行第三第七面各存二行每行存三十四字不等正書熙寧五年十一月四日造今在府治西北隅舍利寺

上缺法師義淨奉詔

譯

經文不錄

上缺右大唐景龍四年歲次庚戌四月壬午朔十

下缺

上缺圍五年歲次壬子十一月丙午朔四日己

下缺

右殘幢止存中截第一面有法師義淨奉詔譯案開元釋教錄有佛頂尊勝陀羅尼經二卷或加呪字唐

三藏義淨譯新編入錄第五譯者卽此末一面有右

大唐景龍四年歲次庚戌四月壬午朔十下十七字

又有上闕五年歲次壬子十一月丙午朔四日己下

十六字案景龍四年當卽義淨譯經之歲口闕壬子

方是建幢之年攷唐五代紀元惟唐宗有乾闥止四

年明年卽改元光化歲次戊午其非唐刻可知宋神

宗熙闥凡十年元年戊申五年正壬子則此幢爲熙

闥五年所刻無疑矣

### 開業寺石幢

幢高一尺九寸八面每面廣四寸三面刻字每面三

行行字不等正書元豐二年七月朔日造今在元氏

縣開業寺東廡房



皇帝万歲

重臣

下缺

真定府元氏縣龍泉

下缺

都維郝

郝貴王遂

下缺

范十范振范閏范開王

下缺

趙素何清

何永何榮何方何真王

下缺

何濟張達嚴清王昇王遇

景弟王智趙良鄭

下缺

都維郝郝貴

母劉氏

新婦曹

氏

女大姐二姐

張

元豐二年

己未

歲

七月丁卯朔

鄭氏曹氏

處士董運 造

成德軍脩摩池河記

碑高五尺二寸廣二尺五寸五分二十一行行三十七字正書篆額元豐八年三月二十五日立今在正

定府城南

摩池河記

成德軍修庫池河記

庫池之源發於鴈門繫時東南道于中山又東過靈壽而常衛從之霖潦時至長川巨浸之水雜而會者白波沸騰聲赫數里鼓城下隘而真定控河之衝數罹漂溢之患天聖七年堤潰于曹馬口傍激南關壞城之西南隅以入樓櫓泛蕩間殫為河口口之死多於魚鼈於是北道搔然大發兵夫以趣其役而堤塞之功光十七萬城堞之功百六十四萬物為之敗萬於工役之費而莫之計也天聖距今久矣聞有語其害者悲傷盛頹猶之未忘然堤圯婦毀高以牛羊之踐平下以沙淤之澱沒又廢河防之卒徙之於祁因循大壞非一日之積元豐

甲子六月復決於曹馬口下□關門遂掘北濠泄之將  
軍之濞而城幸以完水北行三十里湯湯浩浩乃復于  
河歲之九月廬陵劉公以天章閣待制自南都帥于茲  
車未及停輪卽往相其事圖之以進章十上辭益懇而  
部使者互以為言

朝廷聞焉乙丑二月

制可之

公命以諸

邑版籍率八丁均一夫先嘗浚治城隍乃罷之而并於  
茲役尺符所領俯期而集負畚築者騶呼輿諤誦以相  
梓市之富室借與餉之役者悅而無所匿其遲且未嘗  
鞭扑之而能致其功也自曹馬口下中渡橫袤四十里  
作之新堤□□而峙又鋸牙兮湍怒之勢堤道所承寔

河流之末地之聚沙者疊埽若木岸以禦之木岸八百餘步而埽三倍於木岸之長民之苦於墊溺而知其利也用不懈於勤閔三旬之功餘四日之力復請治南閘公樂從之使築埽道上平於城以通南北往來之衢凡村落之蹊絕於堤者築之如闔城之制且聚土其傍補隙於歲月功已序奏鄴水領之而請復河防之卒營之故堤植榆柳於堤足而揭盜決之條以申告賞其所以久為之憲曲為之防後人無以加焉是則

公之政繁見於斯矣大而用之崇太平之基永萬年之懸信乎其無難矣清源石亘嘗從按役于行於是錄之以記元豐八年三月二十五日

朝設郎充天章閣待制真定路安撫使兼馬步軍都  
總管無知成德軍府事兼管內勸農使護軍彭城縣  
開國伯食邑七百戶賜紫金魚袋劉瑾

右記石亘撰不著書碑篆額人姓名亘事蹟未詳記  
稱亘嘗從案役于行知亘亦宦於河北者亘著貫清  
源宋史地理志河東路太原府有清源縣碑滹沱作  
庠池案說文無滹字周官職方氏漢書地理志滹沱  
字皆作庠池禮記作惡池戰國策作呼池詛楚文作  
亞駝惟山海經作滹沱乃別體字此碑作庠池正與  
周禮合記云庠池之源發於雁門繁峙東南道於中  
山又東過靈壽而常衛從之案山海經北山經秦戲

之山滹沱之水出焉而東流注於澗水郭璞注今滹  
沱水出雁門鹵城南武夫漢書地理志師古注滹沱  
出鹵城元和郡縣圖志代州繁峙縣秦戲山一名武  
夫山在縣南九十里滹沱河水出焉太平寰宇記繁  
峙縣秦戲山一名武夫山亦名平山亦名戍夫山今  
曰派山在縣東南九十里滹沱源出縣東南孤阜山  
漢書地理志靈壽中山桓公居此十三州志亦云中  
山桓公新都太平寰宇記舊邑城在今縣西北是記  
所云道於中山者卽指靈壽故城非謂定州之中山  
也常衞卽禹貢恒衞旣從桓犯宋眞宗諱故改常字  
以避之猶漢改恒山爲常山唐改恒州爲鎮州也漢

書地理志靈壽禹貢衡水出東北入滹沱而恒水不  
入滹沱記所云誤又記云天聖七年堤潰於曹馬口  
傍激南關壞城之西南隅以人人死多於魚鼈於是  
北道騷然大發兵夫以趣其役而堤塞之功九十七  
萬城堞之功百六十四萬物爲之敗萬於工役之費  
而莫之計宋史河渠志不載天聖七年正定滹沱河  
決事仁宗本紀天聖七年夏四月庚寅赦天下免河  
北被水民租賦長編同長編載是年二月乙酉賑河北  
沿邊水災饑民間二月癸巳詔河北經水州軍募人  
入粟以濟貧民眞定故屬河北原可無庸舉而塞  
堤築城工費如是之浩繁史志並所不載故無解於

疏略矣曹馬口卽白馬口在城西北見嘉靖真定府志又記云元豐甲子六月復決於曹馬口下□關門遂掘北濠泄之將軍灤宋史神宗紀五行志皆載是年河北東西路水壞城郭廬舍惟長編載是年九月提舉河北路保甲司言祁州鼓城縣巡檢下指使彭大因大水收救器甲溺死詔賜其家銀二百兩鼓城正滹沱下流據此可爲是年真定決口之證而河渠志亦不載將軍灤未詳記所云廬陵劉公卽記後題名之劉瑾其列銜皆與宋史瑾傳合天章閣天禧四年建在會慶殿之西龍圖閣之北明年仁宗卽位修天章閣畢以奉安眞宗御製天聖八年置待制從四



品見職官志記載瑾治河之役謂自曹馬口下中渡橫袤四十里作新堤鋸牙分湍怒之勢云云案五代史晉開運三年契丹趨恒州晉杜威禦之至中渡橋而退胡三省通鑑注曰州人津渡之所也其上下流各有渡此爲中渡宋史河渠志元豐五年前河北轉運副使周革言熙寧中程昉真定府中渡創繁浮梁增費數倍請歲八九月易以板橋至四五月防河卽折去權用渡船蓋卽今郡南之廣濟橋也

趙明造石香爐題字

記刻爐上高一尺廣三寸二分四行行字不等正書元祐元年四月十四日造今在行唐縣西羊同村行唐縣曲河村陽貫墮唯郝頭趙明健造德石香爐一

坐父趙進母楊氏妻李氏 元祐元年四月十四日健

造石匠人尹文喜

重修淮陰侯廟碑

碑高五尺七寸五分廣二尺八寸五分二十五行行  
五十二字正書元祐五年七月立今在獲鹿縣西上  
門口  
廟內

重修淮陰侯廟碑

歷代有祀典以籍群神故廟自所以不廢何則祀者治  
國之大本而禮經莫重於祭得非建萬世之功垂無窮  
之利有報卒反始之□者□□棟宇血食之久乎祀典  
之外又有祠宇各為一方祈禱例多以所在之民重古  
人角立傑出有雄材奇節伸後世恩德之懷□然□在

祀典之祭者出於官完葺補弊吏得以專其事故壇舍之制不以墜損為患在一方之祀者出于俗特係民之興廢吏不得以嚴替□□□□少有必存而多訛廢自非先有功德所感者深所得者厚又有賢能之吏勸後之其能亘千載而終不廢耶獲鹿縣井陘口有漢淮陰侯廟歷古尚存得非趙人被德之深以謂恩厚者報不可忘歟嘗讀史傳考其行事始則疑淮陰者趙之□也□則為趙人報怨□德也終則釋然知淮陰于趙□功德之大宜享一方之祀不為過矣方其設伏詭計處死地之詐立換幟之疑大破其軍斬成安君擒趙王歇則井陘口乃趙人亡君殺將屠軍之地何不怨排于後

世而反祠之是誠可疑也至于論其世則知秦之轍  
海□刀鋸其民天下死亡于法者日有萬計繼而項羽  
之起所過殘滅視生靈易草芥弱孤老幼不併死而不  
已一秦未滅又益一秦□□□□□□□□□□及漢高  
之舉實為仁義兵入武關秋毫無犯降秦餘孽撲項熾  
焰約法三章以姑息天下天下望漢之心誠大□□□□  
□□□□□□塗炭出孥戮有父母妻子奠枕之安則  
淮陰之德業睿智神武見於行事古今無雙况今縣城  
西抱憤之□按□嶺險阨□□□□□□騎從調而望  
趙軍之路也宜乎至今廟自不廢頃年魏國韓公有  
詩提刑曹丞刻石以辯鍾室之禍天下始□文辭之失

□憐忠□之罪也是時又增大其門墉廊廡繪掣一新  
之以協趙人祈福之意今歲月馮深昔日之壯麗與飄  
風飛塵□□□草莽闌坦然赤地不□□神靈之寵雖  
行路傷之况趙人乎邑宰 孫公下車之始愛民發

於至誠觀其祠宇摧毀荒涼復□□故邑簿 寶文

陳彥升之□□□有□□□一日語其同僚曰大抵承

流宣化俾民蒙惠莫若陰有所助非是祠而誰耶遂與

邑簿 王君縣尉吳君議□□從井陘鎮取 韓公所

題詩復于廟又得監酒 郝君達意邑中以謂官不率

民而興亦不禁民之往于是邑衆翕然稱素有是志曩

者見有司□□□□□□□願出力成之方懼邑官

之艱難也今適我願是邑中之蒙幸矣于是□□王遠  
康□為之首助工出財不日而成□□□映□□□□  
□宇垣墉倍越舊制威嚴整肅兵仗森羅不聲不動燭  
人精神其堅壁不敗之容復見于今人井陘道遠舊無  
水泉軍士多渴死淮陰□胡將□軍謂前有水至前□  
鹿跑地伎伎之足未絕潺潺之聲已瀉澗下傍派其流  
千古不捨晝夜邑人□□□神□□□旱乾水溢虫蝗  
疾疫之類皆有祭禱多獲嘉應符合影響然則此或偶  
耶固耶亦不敢沒其實以慰邑人興修壯觀之意功既  
落□□□□文以□其事既源于縣庠闡揚之所出  
于是乎書東垣鄭晴記元祐五年七月初吉立石 碑

刻施主劉望蘇寶 京兆杜希口篆額

縣尉 賈溫潔

主簿 王孝民

借職監酒稅柳彥

左宣德郎知縣事孫口

孫明孫雋刊

石碑鄭晴撰杜希口篆額無書碑人姓名晴著籍東垣宋無東垣縣漢書地理志常山郡真定縣故東垣高帝十一年更名史記呂后本紀正義引括地志云常山故城在恒州真定縣南八里本漢東垣邑蓋用古地名也杜君名下一字泐事蹟未詳碑云頃年魏國韓公有詩提刑曹涇刻石又云與邑簿王君等議

從井陘鎮取韓公所題詩復於廟據此則韓魏公過  
淮陰侯廟詩石刻本在井陘至是始歸之士門口廟  
內宋史地理志并陘熙寧六年省入獲鹿平山八年  
復置徙治天威軍而無井陘鎮之名元豐九域志并  
陘府西南八十九里一鄉舊縣一鎮蓋縣徙之後卽  
以故治爲鎮耳碑後題左宣德郎知縣事孫□借職  
監酒稅邴彥主簿王孝民縣尉賈溫潔末行下方有  
刊碑人名縣宰孫君名已漫漶不可辨宣德郎卽宣  
教郎職官志云元豐本宣德換著作佐郎大理寺丞  
政和避宣德門改又云元祐初朝議大夫六階以上  
始分左右紹聖中罷之王明清揮塵前錄更官制後



惟光祿大夫及中散朝議二大夫分左右增磨勘而  
已初非以科第也元祐間范忠宣當國始帶左右紹  
聖初罷去大觀又置中奉奉直二大夫撤中散朝議  
左右字謝維新合璧事類後集引實錄云元祐三年  
詔自今朝議中散正議光祿銀青光祿金紫光祿大  
夫並置左右進士出身及帶職人轉至左朝議中散  
爲三資餘人轉至朝議中散分左右二字爲四資以  
上各理七年磨勘其正議至金紫並分左右字爲八  
資以今官已及者悉加之四年三省言舊制京朝官  
以上各分進士出身及餘人自改爲寄祿官並多一  
等改過無差別除朝奉大夫以上置左右兩等外承

務郎以上至朝奉大夫亦欲分左右兩等進士出身  
加左字餘加右字從之紹聖三年詔寄祿轉正議大  
夫光祿大夫銀青光祿大夫分左右朝請大夫仍舊  
存左右作兩資轉以分有無出身外餘並罷又宋王  
得臣塵史元豐重正官制易其稱呼元祐間議者以  
爲無以甄別流品遂詞人加左字餘人加右而著令  
將詞人有犯貪墨者去左而稱右庶以爲戒云云然  
則宣德郎之分左右實始於元祐四年史志遺之陋  
矣碑立於五年縣令孫君列銜作左宣德郎當是進  
士出身與實錄所載正合

元氏縣重建廟學碑

碑高五尺四寸五分廣二尺四寸五分二十六行行  
四十五字正書篆額元祐五年八月立今在元氏縣  
大成  
殿前

元氏縣重建廟學記

元氏縣重建廟學記

士儆於俗學為日之久先皇帝念之故有樂育之道作  
成之方皆出於教養之美意天下之士始不流於淺近  
之習而自弃者日寡小以成小大以成大隨所造而已  
熙寧初大建太學於京都亦以待方來之學者開館  
至數千楹又厚其廩食之賜羈旅之士其至如歸而居  
有餘安矣遊擇教官使亦專經責以講事可以發明先  
王道德之遺意而承學之徒亦知自窮於性命之理轉

相傳導以自幸設三舍以為之勸須其問學之精考其  
行能之實為之升遷之序學者患乎死材而不患乎死  
所取是以譽髦之彥漸漬夫日就月將之間者幾於唐  
虞之盛有向於成周之隆矣於是又 詔郡邑皆置

學舍立宣聖之廟焉雖遐陬邊徼不以遠而有所遺不  
以小而有所廢以謂土地雖異宜風化雖異習出於人  
心者未始不同且以有生之身索於性分之內良知良  
能善所固有在因其固有而達之要使四方萬里之外  
人人無不同之學 仁博而恩洽矣由是學者莫不

欣戴 德澤知盛時之為難遇鼓之而有聲者應舞  
之而有形者隨老師宿儒無容肆其巧誕不根之言稍

鄉於理義之域然而州縣之吏往往不能奉承

旨

意一切苟且入於因循失於建立者衆間有文具而已者不知夫古者家有塾黨有庠遂有序國有學於以攷其有德行道藝者廩與之則學校之設亦治世之先務也元氏之有學始營於田君照鄰在縣之西北隅觀其作室之制與夫

廟良之飾究之以禮陋而不典是

以其道鬱而不發歲月浸久弊壞窮蹙遂使

先聖

之居索然穢寂而無尊奉之敬學者從可知故間有有意於從學者無受教之地則雖抱至美之質有入道之資亦將茅塞廢弛而不能自振於荒殆之中良可嘆惜邑民病此故有欲共工出力作而新之且未及

今上卽位學由天縱

聖德日躋慨然思有以繼述

成就

神考之志嗚呼以

先帝之聰明睿智神文聖武創鴻立制經萬世而不可  
易者何特學校而已哉雖威神在天餘光炳耀與日月  
而並明

天子方且敬仰其

隆功休烈固難以形容萬一而顯揚欽慕無有窮期則  
羣臣百執事正當謹承

三聖之所以然者直不可以私意自任恣謬悠之談關  
於流俗之論作為異端橫議如欲有所戾焉者又不可

不知也今邑人承議郎鄭士宗殿直裴士廉因衆人之  
所願又請以己之私錢助夫不足之用擇地之異而遷  
之長廊複屋廣殿重廡宏壯而不華顯殿而不麗工不  
旬而告畢行且擇夫有道者主之以教誨後學使各知  
修進以取名當世又將見高車大蓋煥乎衣冠之盛里  
人皆曰吾鄉之人也吾鄉之人也得不得其來蓋自  
學校始今略其興立之初而話其落成之日寔元祐康  
午仲秋初吉右朝請郎知縣事護軍賜緋魚袋曹景記  
并白書丹

右記曹景撰并書無篆額人姓名曹景見元氏縣志  
名宦傳元豐寄祿格以朝請郎換前行員外郎侍御

史元祐四年自承務郎以上皆分左右兩等左以加  
進士出身人員右以加餘人景列銜爲右朝請郎蓋  
非進士出身者也記云熙寧初大建太學於京師開  
館至數千楹設三舍以爲之勸云云事見宋史選舉  
志又記云詔郡邑皆置學舍立宣聖廟案詔天下州  
縣立學在慶曆四年事詳皇祐二年曾宏撰元氏新  
建縣學記跋

棗城縣新遷文宣王廟堂記

碑高五尺廣二尺四寸五分二十七行行五十字額  
題大宋真定府棗城縣新遷文宣王廟堂記十六字  
有碑側並正書元祐六年八  
月初二日立今在棗城縣學

大宋真定府棗城縣新遷文宣王廟堂記 饒溝齊孝



先撰

夫聖王之制祭祀也法施於民者祀之以死勤事者祀之以勞定國者祀之能禦大菑能捍大患者祀之其故何也蓋功烈之加於民而民報之如此也孔子生於衰周轍環天下雖無所遇其垂世立教與道俱存而不熄者也則功之加乎民也可謂大且遠矣夫天下莫不由之者道也天以是而無不覆地以是而無不載四時以是而行日月以是而明況於人乎況於事倫乎孔子體道而明之者也以道為尊則孔子不得不尊以道為貴則孔子不得不貴道傳之無窮則孔子之功亦無窮道施之無盡則孔子之功亦無盡其德仁義忠信其教詩

書易春秋其法禮樂刑政其位君臣父子師友賓主昆  
弟夫婦文之爲經載之□冊□世守□□不可易故卑  
不得踰尊下不得僭上強不得陵弱衆不得暴寡使天  
下之民宮居而粒食生養而死葬三綱五常之道不□  
於□□□□□□之道豈小補哉故萬世而下日月所照  
霜露所墜凡有血氣之類莫不尊親也王通遊其廟出  
而歌曰君君臣臣□□□□□□弟夫夫婦婦夫子  
之力也不亦宜乎故上自 京師外底郡邑通立廟  
以祀之用王者儼儼然南嚮 天子□□□□□□□  
□獻升降以師禮事之追其功德之茂猶不足以報也  
秦城者真定之大邑也民人素號蕃庶獨文宣王廟窮

困隱□在驛□西□□一殿雜以民居昔之基址侵削  
殆盡鷄豚狗彘鞠養其側污穢狼籍無所不至其廢壞  
不葺未有如此之甚者也縣大夫祝公儒學傳家篤好  
經術泄官行法衆服賢明慈愛之政治於民俗能治之  
聲溢乎道路雖古之循吏何以加焉願其廟廢□戚戚  
焉以謂倉廩實而禮節未知既富庶而教化未至則化  
民之方有所不盡爲之長者得無咎乎一□率寮屬而  
告之曰仲尼之道教化之本原也今廟之設也不嚴則  
視之首必慢易慢易之心生則教何自而入焉禮之陳  
也不備則□之者必怠惰怠惰之□作則衆何自而化  
焉子視孔子之廟地褊狹而不足以行禮禮疎略則不

足以化民于甚恥之將來文明之地遷而脩之□□□

□□乎僉應之曰善者人之同好也方欲請爾願竭力

以助□主簿羅君首以菜園獻焉其地在公宅之南望

□方則文明之所也至於鳩工庀徒營置材用縣尉孟

君主之不煩於衆不害於公勞精神役思慮朝夕於是

未嘗少懈事難而意愈堅時久而志□□惟以廟爲念

也世之人以儒爲戲者謂文宣王廟□不可脩脩之必

起訟若孟君之公清廉介固無憂也不日而廟遂成□

廡隅形貞既直且顯如翼如棘如鞞如革其楹則直其

桶則挺飾以巧塏麗以丹漆彫刻華藻不爲過矣乃卜

日換時尊聖像而安之□□□位於左右十哲之像

分而列之七十二賢壁以圖之彩繪金碧煥乎有光一  
邑之人始知有孔子之廟也瞻之□□□□□□□□  
□之愚野人之陋莫不瞻仰而致敬焉其庭除之間足  
以設薦楹之位階陛之上足以行升降之節神位之前  
足以備簋豆簠簋之屬至於祭器制度一合禮□咸新

造焉庶幾春秋釋奠禮儀畢備而誠敬生矣又高其門  
墻環以廊廡分爲齋館尚有餘舍以待方領矩步之士

透迤於其間講誦乎其地也近者觀而化之遠者聞而

慕之俾千室之邑咸知庠序之教孝悌之義者自今始

矣主簿僕友宰因之□□見託僕始堅却之

以謂世之情貴耳賤目責人以詳僕才短學淺拙於斯

文不量力□□□□□□□□□□不□□屢辭  
不得免既而改曰所慮者世俗之情也若夫盛德以忠  
恕為心雖文章之名重於□□□□□□□□□□  
□不能已之有餘病人之不足心知瑕疪當掩而不問  
也奈何以世俗望人而不以忠恕望人遂直書其事□  
□□建□□□□□□六年辛未八月初二日記

縣尉孟琮

主簿羅適道

右奉議郎知縣事兼

兵馬都監雲時尉賜緋魚袋祝

下缺  
五字

右記齊孝先撰不著書碑人姓名又碑左角及下截  
頗多殘泐故年號漫漶難辨僅見六年辛未八月初

二日記十字案大中祥符二年棄城文宣王廟堂記

係元祐七年主簿羅適道重刻此碑亦有羅適道名  
與前碑當前後刻石六年辛未卽元祐六年也齊孝  
先未詳著貫饒溝宋無此縣名疑卽饒陽漢書地理  
志饒陽屬涿郡應劭曰在饒河之陽因名攷饒河在  
縣西南三十里本滹沱之支流昔時引而北注合於  
易水魏武開平鹵渠饒河爲滹沱所奪今所存者止  
上流之餘水耳記末題名爲縣尉孟琮主簿羅適道  
右奉議郎知縣事兼兵馬都監雲騎尉賜緋魚袋祝  
下闕當是安上二字正定府志名宦傳有祝安上元  
祐六年爲彙城令又志云彙城文廟在縣治東南宋  
元祐六年知縣祝安上達齊孝先爲記是也羅適道

孟琮俱見職官表元豐寄祿格以奉議郎換太常秘  
書殿中丞著作郎碑建於元祐六年故奉議郎尚有  
左右之分也宋史職官志勳第二轉爲雲騎尉正七  
品碑敬字缺末筆蓋避翼祖諱爾

龍興寺大悲閣記

碑高三尺九寸廣二尺二寸二十二行行五十字正  
書紹聖四年二月望日立有陰今在正定府城內隆  
興寺

真定府龍興寺大悲閣記

距真定府城之西三四里有大悲寺唐自覺禪師所造  
金銅大悲菩薩像在焉因以名寺五代之亂契丹犯境  
燒寺銘毀其半□□以香泥補完之周顯德中國用空



虛掌計者無遠圖收羅天下銅佛鑄錢以資調度於是  
菩薩之像又以泥易其半

宋興

太祖皇帝開寶二年討晉不庭駐蹕真定召羣僧而問  
焉得像之興口本末欲徙置城中不可且言像壞之時  
有文在其中曰遇顯卽毀遇宋即興於是詔

遣中使相地於龍興寺佛殿之北將復建閣鑄銅像以  
慰鎮人之意口駕還京師未幾寺之菜園有祥光

出其上凡三年不滅望氣者占之得古銅物不可勝數  
時暴雨大作浮棟梁材千万計自五臺山而下至頰龍  
河止州以事上聞詔以銅鑄像以木建閣內

遣軍器使與州鈐轄等領其事工人冶者與夫力役之輩皆妙選能者凡所經費悉從官給像成其身七十三尺其辭四十有二威容烜赫相好圓成善者見之而心開不善者瞻之而生敬有生之類遷善□罪於冥冥不可見之間其爲利也豈小補哉謹案內典 大悲菩薩

乃觀音大士應現之身正法明如來降迹之體也於曩劫來□□□脩入三摩地成妙功德獲勝圓通上合十方諸佛本原妙心同一慈力下合六道衆生融通無礙同一悲仰能成三十二應入國土之身超過六十二億沙數菩薩之智顯現衆多妙容宣說無邊神呪通身是眼不見纖塵多手護持拔提諸趣不動真際得大自

在故觀音名遍十方國是故世人聞名起敬植大福緣  
視相悟心直趨正覺非夫 大慈愍護衆生之力何

以感攝羣動非夫 大聖人天錫勇智有應天順人

之功何以能保佑斯人成就妙用矧識文先定響應無  
差金木之來神物冥助恭惟

我宋之興積功累行盛德大業繼繼承承傳千萬世豈  
特人為之力哉抑亦幽贊之道非智之所能知非情之  
所能測也景祐中寺僧惠演錄其興建之迹甚詳言不  
雅馴今 大帥寶文侯公以道存心以德惠民觀  
寶像雄壯圓悟不思議之旨灼見

太祖皇帝道溢天下之意欲以發揮 聖人難名之

勲業傳之無窮以是使蔡因舊文而爲之記蔡聞羣本  
無心以百姓心爲心道本無言不得已而後言故起心  
爲物者平乎無心爲道而言者平乎無言 大悲菩薩  
薩已成佛道於無量劫前而

我太祖皇帝撥亂反正於五季之後救民出塗炭之苦  
與菩薩度生之誓若合符契興闢建像作大莊嚴皆欲  
福被□□使人趨善而歸於道可謂無心之化矣且得  
有言乎蓋 寶文公之意欲尊 朝廷而明大道

之本蔡也學淺而文不工故言多而道不見雖然道豈  
可見也哉將使觀是文者知 聖人之心在乎道妙  
圓超悟而不滯於文句之間則言雖多亦志於無言而

己亥紹聖四年二月望日朝奉郎管勾真定府路都總  
管安撫司機宜文字驍騎尉賜緋魚袋葛 繁 記

右記葛繁撰宋史無傳王荆公葛興祖墓誌銘稱  
興祖丹徒人三子繁蘊皆有文學繁許州臨潁縣主  
簿續通鑑長編元祐三年八月辛丑右正言劉安世  
奏有近日伏觀除目內奉議郎程公孫堂差監在京  
商稅院葛繁兵器監主簿臣聞二人者與執政皆是  
姻家乞罷新命以伸公貼黃稱葛繁係范純仁之同  
門婿云云長編又引呂公著掌記云葛繁名聲籍籍  
荆公始愛其材後當國以其不附已疏之當卽此葛  
繁長編作葛繁當是傳寫之誤又志雅堂雜抄載繁

題雪竇和尚親書偈後七絕稱蔡號鶴林居士崇園  
問臨穎主簿守鎮江云云蔡列銜爲管勾眞定府都  
總管安撫司機宜文字案宋史職官志經略安撫司  
經畧安撫使一人在河北及近地則使事止於安撫  
其屬有幹當公事主管機宜文字準備將領準備差  
使仁宗本紀慶曆七年八月乙丑析河北爲四路各  
置都總管通攷慶曆七年析河北四路各置都總管  
一員如無止以安撫使總制諸路記載龍興寺鑄像  
蓋開事稱景祐中寺僧惠演錄其興建之迹甚詳言  
不雅馴今大帥竇文吳公使蔡因舊文而爲之記大  
帥竇文吳公其名不可攷職官志有竇文閣學士直

學士待制閣在天章閣之東西序羣玉蕊珠殿之北  
卽舊壽昌閣慶曆改曰寶文嘉祐八年英宗卽位詔  
以仁宗御書御集藏於閣命王珪撰立石治平四年  
神宗卽位始置學士直學士待制恩賜如龍圖英宗  
御書附於閣又攷哲宗本紀韓忠彥罷知樞密院事  
以觀文殿學士知真定府在紹聖三年正月據此則  
寶文吳公之帥真定向在忠彥之後矣

碑陰鑄金銅象菩薩并蓋大悲寶閣序

二十八行行五十二字正  
昔乾隆元年五月八日立

真定府龍興寺鑄金銅像菩薩并蓋大悲寶閣序

伏自 太祖皇帝鴻基初立道合輒坤致四海以歸

降使八方之貢獻西□□浙昇府淮南盡以稱臣梯抗  
進奉□有太原一境未順明朝 太祖皇帝至開寶

二年歲次己巳三月 大駕親征晉地領二十萬之軍  
至於太原城下安營下寨水浸攻城前後六十餘日並  
未獲聖捷至閏五月內 大駕巡境校邊至真定府

歇駕第三日遂問朝臣在此何人久在衙附近臣  
奏曰今有在衙孔目官紀裔見久在衙勾當 皇帝

宣喚到紀裔遂問言先在此處金銅大悲菩薩今在何  
家紀裔奏曰今在城西郭外大悲寺內見在 皇帝

宣下諸寺院主首三綱紫衣大德來日於城西大悲寺  
內接駕於齋時前後 大駕親臨於閣前下馬上殿



燒香 宣問大師大德菩薩畢竟是銅是涅菩薩有  
一人大師法名可儔奏曰元是銅菩薩值契丹犯界燒  
却大悲閣鎔却菩薩肖應己上自後城中□□再修却  
自後又奉 世宗皇帝天下毀銅像殿鑄於錢又薦  
起菩薩上面取却下面銅自後城中檀那又補塑却今  
來全是涅菩薩

皇帝曰朕憶得先皇顯德年中 世宗納近臣之議以  
爲奄有封略不過千里所調租庸不豐邊備校貫屢空  
於軍實筭口莫濟於時頃於是詔天下毀銅像鑄以爲  
錢貨利用以資帑財金人其萎梁本斯壞化身從革通  
有無於市征國府流形豈執着於我相千人聚万人計

見成功不毀雖卜議以出財

皇帝執議以不迴泊

像壞之際於蓮花之中有字曰遇顯即毀遇

宋即

興無乃前定

之數

乎物不以銷糜必授之以興復時不

可以備否必授之以降昌我國家應乎天順乎人革有

周之正朔造

皇帝之基業今為菩薩

於

聖外與

大德移菩薩在郭內得也是時可儔大師越班奏曰臣  
僧相傳聞 觀音菩薩揀得此一方之地應是於此

地有緣

帝言郭內踏逐寬大寺舍別鑄一尊金銅像觀音大悲  
菩薩尋時差三道殿頭一道入龍興寺量度田地寬狹  
逐喚畫匠特第畫地圖一道入開元寺一道入永泰寺

亦盡地園三寺並將進呈宣下於龍興寺內最蒙

寬大別鑄金銅像蓋大悲閣於後五月內○駕却歸

帝閣並無消息龍興寺寅夜於菜園內常放赤光一道

時人皆見寺僧遂請喚陰陽官占此言道地下必有銅

物極多前後三年○絕後至開寶四年六月內天降雲

雨於五臺山北衝澗下枋欄約及千餘條於類龍河內

一條大木前面攔住見在河內未敢般取○○具表

文奏直詣天庭皇帝覽表龍顏大悅五臺山文

殊菩薩送下木植未與鎮府大悲菩薩蓋問也尋時

宣下一道使臣○○真定府般取河內木植於龍興寺

下納宣頭一道差軍器庫使劉審瓊監備菩薩差衛

州刺史兵馬鈐轄慕容得業監脩菩薩通判軍府事范  
德明監脩閣像奉 宣鑄錢監內差李延福王延光脩  
鑄大悲菩薩差八作司十將徐謙蓋大悲閣差當府教  
練使郭延福雄勝指揮負察王大將南能曹司鄭又天  
場燒琉璃瓦紙匠人鄭延勳等監脩鑄蓋閣主閣寶四  
年七月二十日下手脩鑄大悲菩薩諸節度軍州差取  
到下軍三千人工役於閣下基址并却九間講堂囑地  
剏基至於黃泉用一重礮礫一重土石一重石炭一重  
土至於地平留六尺深海子自方四十尺海子內栽七  
條熟鐵柱每一條鐵柱七條鐵筒合就上而用鐵繩七  
條鐵柱皆如此海子內生鐵鑄滿六尺用大木於鐵柱

於胎上塑立大悲菩薩形像先塑蓮花臺上面安脚足  
至頭頂舉高七十三尺四十二瓣寶相穹隆塔之弥高  
仰之益躬三度盡相儀進呈方得圓滿第一度先鑄  
蓮臺座第二度鑄至脚膝已下第三度至臍輪第四度  
鑄至育臆已下第五度至腋已下第六度至肩膊第七  
度鑄至頭頂上下七接鑄就所有四十二瓣並是鑄銅  
筒子用雕木為手上面用布裹一重漆一重布方始用  
金箔貼成相儀千手千眼具足四十二瓣周圍相好端  
嚴威容自在尋覈救苦衆生以三業歸依菩薩以六通  
垂濟帝乃傾心崇建四衆懇切歸依並願當來同  
登樂果講經論僧惠演知雖不愆聊序脩鑄之因願示

後人用貫通於耳目 大宋乾德元年歲次五月八日  
記

右序僧惠演撰無書碑人姓氏末題大宋乾德元年  
歲次五月八日記有歲次而無干支其疏已不待言  
文首敘開寶二年太祖親征河東而碑末乃作乾德  
元年諦審其字蹟實與序文無二惠演雖鄙俚無文  
亦何至舛錯至是殊不可解案葛繁撰龍興大悲閣  
記稱景祐中寺僧惠演錄其興建之蹟甚詳云云據  
此則惠演是仁宗時僧碑之年月無稽因刻於葛記  
碑陰卽附於葛記之後碑爲王氏金石萃編所收而  
乾德之誤竟未舉及其他則王氏言之頗詳茲不復

續記稱差三道殿頭一道入龍興寺一道入開元寺  
一道入永泰寺攷宋內傳官有殿頭有祇應殿頭當  
卽此開元寺卽今府治南之開元寺正定府志永泰  
寺在城北金大定中建今此記有永泰寺則方志云  
金建者誤矣又記有軍器庫使劉審瓊等諸人皆無  
表見通判軍府事范德明當是鎮州官教練使之名  
宋史職官志兵志皆不載通攷云開寶中嘗置軍教  
練使在指揮使上後廢都副鈐轄通攷云宋初以朝  
官及諸司使以上充或一州或一路或兩路三路亦  
有無都字者又合璧事類後集引續會要載兩朝國  
史云官高資深充都鈐轄官卑資深稱鈐轄軍器庫

使職官志軍器監國初戎器之職領於三司曹案  
官無專職熙寧六年廢曹案置監以從官總判又  
衛尉寺所隸官司有軍器弓槍庫軍器弩劍箭庫通  
攷宋武庫武器並歸內庫及軍器庫以他官及內侍  
典領軍器凡四庫勾當官並二人衣甲弓槍弩箭三  
庫悉以諸司使副及內侍充什物庫以三班使臣充  
掌禁兵器鎧甲供軍什器儲貯之物辨其出納又職  
官志少府監有諸州鑄錢監監官各一人又將作監  
有東西八作司掌京城內外繕脩之事八作司之置  
十將史所未詳雄勝指揮員寮宋史兵志侍衛司步  
軍有雄勝開寶中以剩員立太平興國中選入上鐵



林餘如故又有雄勝剌員指揮三峽莫齊各一案剌員之名起於太祖建隆元年詔殿前侍衛二司各閱所掌兵練其驍勇升爲上軍老弱怯懦置剌員以處之給官符宮觀園苑寺廟之役鑄象蓋闢興工於開寶四年正剌員置雄勝之後員寮之名兵志殿前司有新安內員寮直侍衛司騎軍有員寮剌員直步軍有川員寮直然則碑載雄勝指揮員寮當卽兵志雄勝剌員指揮無疑矣碑文鄙俗無足取特因其敘鑄象之制頗詳故錄之以備龍興寺之掌故焉

段蜀等造石香爐頌記

記刻座上座高八寸八分廣五寸五分八行行字不等正書崇隆元年三月造今右行唐縣

真定府行唐縣合河村使南莊造香爐維那等 段獨  
妻郭氏男段受段立孫段希合家眷屬二十三口 張  
密妻封氏男張澄張濟合家眷屬一十一口 張思妻  
董氏男張立張文合家眷屬一十六口 張嗣妻封氏  
男張溫張良合家眷屬一十口 張從妻劉氏男張珍  
張思合家眷屬一十二口 張國妻侯氏男張秀張太  
合家眷屬一十一口

崇禎元年壬午歲春季月初二日記

元氏縣社壇圖并省牒

神高二尺廣二尺八分上截刻社壇圖下截刻縣並  
題名共二十五行行四十六字額題元氏縣崇禎社  
壇之圖九字并正書政和元年七月三日  
立今在元氏縣西北城角兒村入都壇

國不繪

真定府元氏縣崇修社壇

惟政和元年四月十五日

勅中書省尚書省送到左右司狀准尚書省口送下朝  
散郎權發遣提舉江南東路常平等事臣沈延嗣奏准  
尚書戶部符唯大觀四年閏八月五日尚書省牒

勅門下朕撫有四海子臨兆民唯恐政有未中一夫不  
獲苟可利物知無不為而日者漕計之司有不能體朕  
愛民之意負民之直恬不知恤多至累萬遠或數年朕  
覽之惻然亟命償給尚冀四□萬里之遠民之疾苦政  
之利害若斯之類不能徧察且朕所以寄耳目之任者

不在諸路之監司乎然憲習苟且之風懷願望之志尚  
仍舊弊誠然不言熟視民隱不以介意致下情壅於上  
達德澤難於下究無以佐朕廣覽兼聽厚下恤民之誠  
自今諸路事有弗便於民者監司各具事狀實封以聞  
儻能究心開陳多所裨益當加獎擢用勸公忠其或苟  
且不恤願望不言達于聽聞必予懲艾其實封奏狀直  
進 御前諸處不得開拆仰於封題上分明聲說故  
茲詔示想宜知悉者臣聞傳曰民為貴社稷次之而社  
者五土之神稷者五穀之長穀非土不生民非穀不食  
故土地人民有國之大本而祭祀社稷之禮詎可忽耶  
是故古者建國定都必以社稷為先其壇壝等級之數

牲牢獻酌之儀祭祀之時齋戒之潔莫不有口焉當周之時有封人以設其壇宗伯以掌其禮春則祈之秋則報之然後播厥百穀實函斯活其崇如墉其比如櫛民無饑餓之苦國無凶荒之變卜世之多卜年之久豈不  
懋歟恭惟

皇帝陛下堯仁天覆舜孝日聞恭天地之祈嚴祭祀之奉昨降 詔旨崇修祭祀社稷之制令州縣監司同行檢察仰見上契天心下恤黎庶誠為萬世之休元元之幸也其如四方萬里之遠有司行法之殊其間有不能盡承德意之美推行教化之源臣所寒心不敢隱默一昨臣任湖北轉運判官嘗巡歷轄下州縣其社稷壇

壇大率皆不如法卽以嚴加修治○監江東所至必先  
點檢未皆應法已按令式為圖通行修置竊慮天下州  
縣因習舊規有不如法者伏望

聖慈特詔有司按式作圖鏤板頒下仍於壇壝之外別  
為大牆圍之外建一門常加封鎖以絕穢跡被受之日  
限一月了當仍於齋廳立石刊刻增立法制守令上之  
三日躬詣社壇按圖修治監司隨分定州縣檢視歲終  
具所歷去處申奏有不如令者按罪來上以大不恭論  
臣今畫到圖子一本隨狀進呈乞付有司增損頒行謹  
錄奏聞伏候勅旨

內降黃貼子祭祀之所理宜清潔猶當約束不得侵展

民居接便科率搔擾但以係省錢收買物料科差官工  
修葺無官工口方聽和雇貴在嚴密完整不必增廣華  
侈左右司看詳上件所陳除以大不恭論難議施行外  
餘款依

內降黃貼子內約束指揮并臣僚所陳施行申開事四  
月十四日奉

聖旨依左右司所申仍先次施行奉勅如右牒到奉行  
前批四月十七日午時付工部施行仍開合屬去處  
政和元年七月初三日立石

右班殿直權縣尉專教閱保甲折可規

通仕郎行主簿專切管勾學事教閱保甲苑持

承奉郎知縣管勾勸農事專切管勾學事教閱保甲  
李景

右碑分兩截上截社壇圖下載尚書省牒圖磨泐已甚案下載牒文載沈延嗣奏狀稱州縣社稷壇壝大率皆不如法伏望特詔有司案式作圖鏤板頒下仍於壇壝之外別爲大牆圍之建一門常加封鎖被受之日限一月了當仍於齋廳立石刊刻增立法制臣今畫到圖子一本隨狀進呈乞付有司增損頒行云云據此則是圖卽係延嗣所進儀禮局增損頒行者元氏縣旣如法崇修遵詔刻石以爲永式爾牒文載大觀四年閏八月五日詔宋史無此文徽宗本紀大



觀四年閏八月辛丑詔諸路事有不便於民者監司  
條奏之卽此事也沈延嗣宋史無傳王臨川文集有  
內翰沈公墓誌銘稱遵有三男六女男恭嗣後公六  
日卒隆嗣延嗣與六女皆幼東都事略宋史遵傳並  
不載其子名案遵卒於英宗時卒時其子尚幼至政  
和初則又四十餘年矣牒中之沈延嗣當卽遵子延  
嗣列銜朝散郎權發遣提舉江南東路常平等事宋  
史地理志江南東路府一江甯州七宣徽江池饒信  
太平軍二南康廣德縣四十三職官志提舉常平司  
掌常平義倉免役市易方場河渡水利之法仍專舉  
刺官吏之事熙寧初先遣官提舉河北陝西路常平

本歲諸路悉置元祐初罷之併其職於提點刑獄司  
紹聖初復置元符以後因之通攷熙寧二年詔轉運  
使用本資敘人卽充資序下一等爲權二等爲權發  
遣延嗣奏請定州縣社稷壇式繪圖頒行天下東都  
事略宋史及禮志皆不載此足補史氏之遺己牒後  
銜名有通仕郎行主簿專切管勾學事教閱保甲苑  
持案崇寧二年定選人七階以通仕郎換錄事參軍  
縣令政和間改爲從政郎見宋史職官選舉等志及  
通攷職官門碑立於政和元年尚在未改從政之時  
宋史通攷或作通事或作通仕頗多駁文據此碑則  
當時本作通仕其作通事者乃傳刻之譌耳

常山真石志卷十二